

ME TAKATŪ KI TE RĒHITA ME TE PŌTI



He aha te take me rēhita ki te pōti?

Ki te hiahia koe ki te pōti, te whai wāhi ki ngā pōtitanga, te waitohu rānei i tētahi petihana tāpaetanga pōti me rēhita koe ki te pōti.

He tikanga hira te pōti mō te tuku i ō whakaaro mō ngā take e pā ana ki a koe, ō hoa me tō whānau. Ina pōti koe i ngā pōtitanga ā-rohe ka taea e koe te kōwhiri te hunga ka tuku whakatau mō tō rohe; ina pōti koe i ngā pōtitanga Pāremata ka kōwhiri koe i ngā tāngata me ngā rōpū hei māngai mō i te Whare Pāremata me te tuku whakatau ka whai pānga ki tōu ao.

Ka mātua whakarite koe kia rongohia tō reo mā te rēhita ki te pōti.



Ko wai ka āhei ki te rēhita ki te pōti?

Ko ngā tāngata anake kua rēhita ka āhei ki te pōti i ngā pōtitanga.

Me mātua rēhita koe mēnā:

- 18 ō tau, neke atu rānei, ā,
- he kirirarau koe nō Aotearoa, he kainoho pūmau rānei koe nō Aotearoa, ā,
- neke atu i te kotahi tau mau tonu i te iti rawa tō noho ki Aotearoa i tētahi wā.

Mēnā he Ahitereiriana koe, he Māori Kuki Airani, he Niuē, Tokerau rānei ka taea e koe te rēhita mēnā i noho pūmau koe ki Aotearoa mō te 12 marama.

Mēnā kei tāwāhi koe e noho ana ka taea e koe te rēhita ki te pōti mēnā:

- he kirirarau koe nō Aotearoa e noho ana i Aotearoa i roto i te toru tau kua taha ake nei, tērā rānei
- he kainoho pūmau koe nō Aotearoa e noho ana i Aotearoa i roto i te tekau mā rua marama kua taha ake nei.

Ka taea e koe tētahi puka rēhita te whakakī ina eke koe ki te 17 tau. Ko te tikanga o tēnei ka eke koe ki te 18 tau kua rēhita tonu noa koe, ā, ka āhei hoki ki te pōti.



Me pēhea taku rēhita?

He māmā te rēhita, te whakahōu rānei i ō taipitopito. Hei whiwhi puka rēhita:

- Haere ki elections.org.nz
- Waea koreutu ki 0800 36 76 56
- Me patokoreutu tō ingoa me tō wāhi noho ki 3676

Ina rēhita koe, ka uru tō ingoa ki te rārangi pōti. Me mātua uru koe ki te rārangi pōti ki te pōti.

Me whakakī e koe he puka rēhita hou i ia wā ka neke whare koe.





Te rēhita ki te pōti mēnā he Māori koe.

Mēnā he Māori koe, ā, kua rēhita koe mō te wā tuatahi, ka taea e koe te eke atu ki te rārangi Māori, te rārangi Whānui rānei.

Ka whai pānga te rārangi pōti ka kōwhiria e koe ki te āhua o tō pōti i ngā pōtitanga Pāremata.

Mēnā kei runga koe i te rārangi pōti Whānui, ka pōti koe mō tētahi kaitono kei te rohe pōti Whānui i te Pōtitanga Whānui e whai ake. Mēnā kei runga koe i te rārangi pōti Māori, ka pōti koe mō tētahi kaitono kei te rohe pōti Māori i te Pōtitanga Whānui e whai ake. Ka āhei koe ki te kōwhiri mai i te rārangi rōpū tōrangapū kotahi ahakoa kei runga koe i te rārangi Whānui, rārangi Māori rānei.

Ka whai pānga pea te rārangi pōti ka kōwhiria e koe ki te āhua o tō pōti i ngā pōtitanga ā-rohe. Mēnā kei runga koe i te rārangi Māori, ā, he Rohe Pōti Māori tō tō kaunihera ā-rohe, ka pōti koe mō te kaitono i te Rohe Pōti Māori i ngā pōtitanga ā-rohe e whai ake.

Ina rēhita koe mō te wā tuatahi, ka taea anake te whakawhiti momo rārangi i te wā o te Kōwhiringa Pōti Māori, ka tū i ia rima tau.



Kei te māharahara mō tō haumarū?

Mēnā e āhei ana koe ki te rēhita engari ki tō whakapono ka noho mōrearea koe, tō whānau rānei ki te noho mai ō taipitopito ki te rārangi pōti tā, ka taea e koe te tono kia uru tō ingoa ki te rārangi huna matatapu.

Kōrero ki tō Kairēhita o ngā Kaipōti, haere ki elections.org.nz, waea rānei ki 0800 36 76 56 mō ētahi atu kōrero me tētahi puka tono.



Kei te hiahia āwhina ki te rēhita, kei te hiahia whiwhi kōrero atu anō koe?

Mēnā kāore e taea e koe te puka rēhita te whakakī, ka taea e tētahi kaitautoko koe te āwhina, te whakakī rānei i te puka māu. Me waitohu tonu e koe te puka rēhita hei whakaū kei te tika ō taipitopito.

Ki te kore e taea e koe te waitohu ā-tinana, ka taea e tētahi atu tēnei mōu.

Mō ētahi atu kōrero mō te rēhita me te pōti:

- Haere ki elections.org.nz
- Waea ki 0800 36 76 56
- Haere ki facebook.com/ivoteNZ

Mēnā e mōhio ana koe ki tētahi ka whai āwhina i ēnei mōhiohio, me whakamōhio atu i a ia.

E wātea ana ngā kōrero mō te rēhita me te pōti i roto i ngā reo 27 i elections.org.nz/languages.

